



Broj: 10/E-11-5841/25
Sarajevo, ~~19.12.2025~~ . godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), u skladu sa tačkom III rješenja Općinskog načelnika broj: 10/E-11-5841/25 od 19.11.2025. godine, na prijedlog Komisije za nabavku roba, usluga i radova III, imenovana rješenjem Općinskog načelnika broj: 10-45-164/25 od 05.03.2025. godine, (u daljem tekstu: Komisija III), u postupku javne nabavke: Usluge izrade energijskog audita za zgradu Općine Centar Sarajevo i Kantona Sarajevo, putem konkurentskog zahtjeva za dostavu ponuda (Zapisnik o pregledu i ocjeni ponuda, nakon ponovne evaluacije ponuda, broj: 10/E-11-5841/25 od 12.12.2025. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača **“EUROING” d.o.o. Bihać**, ulica Mehmeda Džanića L1, 77000 Bihać, broj ponude 588-10/25 od 16.10.2025. godine, za usluge izrade energijskog audita za zgradu Općine Centar Sarajevo i Kantona Sarajevo, putem konkurentskog zahtjeva za dostavu ponuda, sa cijenom u ukupnom iznosu od 14.600,00 KM bez PDV-a, odnosno 17.082,00 KM sa PDV-om.
- II.** Izabrani ponuđač dužan je dokaze iz tačke 7.1. (Lična sposobnost), podtačke 7.1.1. i 7.1.2. tenderske dokumentacije, u skladu sa članom 45. Zakona o javnim nabavkama, dostaviti najkasnije u roku od **5 (pet) dana** od dana prijema ove Odluke na protokol Ugovornog organa (originalne ili ovjerene kopije).
- III.** Ugovorni organ će sa izabranim ponuđačem zaključiti ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- IV.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak javne nabavke: Usluge izrade energijskog audita za zgradu Općine Centar Sarajevo i Kantona Sarajevo, pokrenut je Odlukom Općinskog načelnika o pokretanju postupka javne nabavke, putem konkurentskog zahtjeva za dostavu ponuda, broj: 10/E-11-5841/25 od 09.10.2025. godine. Predmet nabavke nije podijeljen na lotove.

Procijenjena vrijednost javne nabavke bez uračunatog PDV-a iznosi **23.500,00 KM**.

Obavještenje o nabavci 848-7-2-121-3-212/25 objavljeno je dana 10.10.2025. godine na Portal javnih nabavki (www.ejn.gov.ba).

U krajnjem roku za predaju ponuda koji je određenom tenderskom dokumentacijom (21.10.2025. godine do 12:00 sati), na adresu Ugovornog organa primljene su 4 (četiri) ponude ponuđača: 1. “EUROING” d.o.o. Bihać; 2. “PROVING” d.o.o. Sarajevo; 3. „nLogic” d.o.o. Sarajevo i 4. Grupe ponuđača

„Enova“ d.o.o. Sarajevo (vodeći član grupe ponuđača) i „CETEOR“ d.o.o. Sarajevo (član grupe ponuđača). Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristiglih ponuda i nakon što je utvrđena blagovremenost i urednost dostave, pročitana je cijena ponuda, kako slijedi:

R/b	Ponuđač	Ukupna cijena bez PDV-a (KM)	Popust
1.	„EUROING“ d.o.o. Bihać	14.600,00	/
2.	„PROVING“ d.o.o. Sarajevo	12.600,00	/
3.	„nLogic“ d.o.o. Sarajevo	7.887,00	/
4.	Grupa ponuđača: 1. „Enova“ d.o.o. Sarajevo 2. „CETEOR“ d.o.o. Sarajevo	14.950,00	/

Nakon izvršenog javnog otvaranja ponuda, Komisija III je izvršila detaljan pregled i analizu dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača u pogledu lične situacije, sposobnosti obavljanja profesionalne djelatnosti kao i tehničke i profesionalne sposobnosti; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i relevantnim podzakonskim propisima.

Nakon pregleda, analize, poređenja i rangiranja prihvatljivih ponuda te ocjene najpovoljnije ponude na osnovu prijedloga Komisije III, Općinski načelnik je dana 06.11.2025. godine donio Odluku o izboru najpovoljnijeg ponuđača, „nLogic“ d.o.o. Sarajevo, za usluge izrade energetskog audita za zgradu Općine Centar Sarajevo i Kantona Sarajevo, broj: 10/E-11-5841/25.

Protiv ove odluke, ponuđač „Enova“ d.o.o. Sarajevo, vodeći član grupe ponuđača „Enova“ d.o.o. Sarajevo i „CETEOR“ d.o.o. Sarajevo blagovremeno je podnio žalbu Ugovornom organu putem ovlaštenog punomoćnika Samre Hadžović, advokata iz Sarajeva.

Postupajući po žalbi, Ugovorni organ je, u skladu sa članom 100. stav (4) Zakona o javnim nabavkama („Službeni glasnik BiH“, broj 39/14, 59/22 i 50/24), donio Rješenje broj: 10/E-11-5841/25 od 19.11.2025. godine kojim je:

- Usvojena žalba kao djelomično osnovana;
- Stavljena van snage Odluka o izboru najpovoljnijeg ponuđača broj: 10/E-11-5841/25 od 06.11.2025. godine, zajedno sa Zapisnikom o pregledu i ocjeni ponuda broj: 10/E-11-5841/25 od 03.11.2025. godine;
- Određeno da će, nakon pravosnažnosti Rješenja, Ugovorni organ putem ovlaštene Komisije za nabavku roba, usluga i radova III ponovo izvršiti evaluaciju ponuda i dostaviti prijedlog za okončanje postupka javne nabavke.

Nakon što je Rješenje postalo pravosnažno, stečeni su uvjeti za ponovni pregled i ocjenu svih pristiglih ponuda od strane Komisije III, koja će zatim dostaviti prijedlog rukovodiocu Ugovornog organa.

- ❖ Ovlaštena Komisija III, na zatvorenoj sjednici sazvanoj radi sprovođenja tačke III rješenja Općinskog načelnika broj: 10/E-11-5841/25 od 19.11.2025. godine, utvrdila je da je u postupku koji je prethodio donošenju žalbom osporene Odluke o izboru najpovoljnijeg ponuđača, pregledom i ocjenom ponuda i njihove usklađenosti sa uslovima i zahtjevima iz tenderske dokumentacije koji se odnose na kvalifikaciju ponuđača u dijelu tehničke i profesionalne sposobnosti, isključila ponuđača „PROVING“ d.o.o. Sarajevo jer nije ispunjavao minimalne uslove tehničke i profesionalne sposobnosti propisane tačkom 7.3.1. tenderske dokumentacije.

Komisija III je, ponovnim pregledom ponude ponuđača „PROVING“ d.o.o. Sarajevo, ostala pri ranijoj ocjeni da je navedena ponuda neprihvatljiva, što je i zabilježeno u Zapisniku o pregledu i ocjeni ponuda broj: 10/E-11-5841/25 od 12.12.2025. godine.

Komisija III svoju raniju ocjenu obrazlaže na sljedeći način:

- Na osnovu uvida u dokumentaciju, konkretno referentnu listu dostavljenu na stranicama 21-22 ponude, te izjavu o obrazovnim i profesionalnim kvalifikacijama članova projektnog tima dostavljenu na stranici 31 ponude, Komisija III je jednoglasno konstatovala da ponuđač „PROVING“ d.o.o. Sarajevo nije dokazao da ima uspješno iskustvo u realizaciji najmanje

- jednog ugovora koji se odnosi na objekat sa statusom nacionalnog spomenika, ili objekat koji se nalazi unutar obuhvata zaštitne zone nacionalnog spomenika – ambijentalne cjeline.
- U dostavljenoj referentnoj listi o realizovanim projektima sličnim predmetu nabavke, kao i u dostavljenim potvrdama o izvršenim ugovorima, nije navedeno da se opisani projekti, odnosno ugovori odnose na objekat/objekte koji imaju status nacionalnog spomenika, ili koji se nalaze unutar obuhvata zaštitne zone nacionalnog spomenika – ambijentalne cjeline, kako je to zahtijevano tenderskom dokumentacijom.
 - Takođe, u Izjavi ponuđača o obrazovnim i profesionalnim kvalifikacijama projektnog tima (str. 31 ponude) nije navedeno da članovi tima imaju iskustvo u realizaciji minimalno tri projekta istog karaktera, koji obuhvataju objekat/objekte sa statusom nacionalnog spomenika, ili koji se nalaze unutar obuhvata zaštitne zone nacionalnog spomenika – ambijentalne cjeline. Tenderskom dokumentacijom je, naime, traženo iskustvo u izradi dokumenata koji se odnose na smjernice, tipologiju ili slične dokumente koji se odnose na nacionalne spomenike.
 - Komisija III je konstatovala da je, u skladu sa Projektnim zadatkom za izradu energetskog audita za zgradu Općine Centar Sarajevo i Kantona Sarajevo, koji je sastavni dio tenderske dokumentacije (Aneks 7.), Ugovorni organ precizirao da se objekat – Zgrada Kantona i Općine Centar Sarajevo smatra historijskom građevinom, te da je Odlukom Povjerenstva za očuvanje nacionalnih spomenika BiH proglašena nacionalnim spomenikom BiH, čime uživa najviši stepen zaštite.
 - Iz navedenog razloga, za predmetnu nabavku je od posebne važnosti da ponuđač posjeduje odgovarajuće kvalifikacije i referentno iskustvo u realizaciji ugovora ili projekata na objektu/objektima koji imaju status nacionalnog spomenika, ili se nalaze unutar obuhvata zaštitne zone nacionalnog spomenika – ambijentalne cjeline.

U tenderskoj dokumentaciji, Poglavljem 7.3. TEHNIČKA I PROFESIONALNA SPOSOBNOST, tačkom 7.3.1. a) propisano je:

"Da bi ponuđač učestvovao u postupku javne nabavke mora ispuniti sljedeće minimalne uslove tehničke i profesionalne sposobnosti:

a) *Da ima uspješno iskustvo u realizaciji najmanje 1 (jednog) ugovora odnosno projekta čiji su predmet, obim, karakter i kompleksnost isti ili slični predmetnoj nabavci (detaljan energijski audit), u prethodne 3 (tri) godine, računajući od dana podnošenja ponude ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine, a koji je obuhvatao zgradu/objekat koji ima status nacionalnog spomenika ili se nalazi unutar obuhvata zaštitne zone nacionalnog spomenika – ambijentalne cjeline;"*

Tačkom 7.3.1. pod c) tenderske dokumentacije zahtijevano je od ponuđača:

„b) *Da posjeduje obrazovne i profesionalne kvalifikacije i radno iskustvo, tako da projektni tim koji će biti angažovan za pružanje konkretnih usluga čine:*

- *Najmanje jedan (1) diplomirani inženjer elektrotehnike s minimalno 10 (deset) radnog iskustva na istim poslovima koji su predmet nabavke, sa položenim Programom osposobljavanja za Modul 1 i Modul 2, položenim stručnim ispitom, te iskustvom u realizaciji minimalno tri projekta istog karaktera koji su obuhvatali zgradu/objekat koji ima status nacionalnog spomenika ili se nalazi unutar obuhvata zaštitne zone nacionalnog spomenika – ambijentalne cjeline. Iskustvo u izradi dokumenata koji se odnose na smjernice, tipologiju ili slične dokumente koji se odnose na nacionalne spomenike.*
- *Najmanje 2 (dva) diplomirana inženjera mašinstva s minimalno 10 (deset) godina radnog iskustva na istim poslovima koji su predmet javne nabavke, sa položenim Programom osposobljavanja za Modul 1 i Modul 2, položenim stručnim ispitom, te iskustvom u realizaciji minimalno tri projekta istog karaktera koji su obuhvatali zgrade/objekte koje imaju status nacionalnog spomenika ili se nalaze unutar obuhvata zaštitne zone nacionalnog spomenika – ambijentalne cjeline. Iskustvo u izradi dokumenata koji se odnose na smjernice, tipologiju ili slične dokumente koji se odnose na nacionalne spomenike.*
- *Najmanje dva (2) diplomirana inženjera građevine ili arhitekture s minimalno deset (10) godina radnog iskustva na istim poslovima koji su predmet javne nabave, sa položenim Programom osposobljavanja za Modul 1 i Modul 2, položenim stručnim ispitom, te iskustvom u realizaciji minimalno tri projekta istog karaktera koji su obuhvatali zgrade/objekte koje imaju status nacionalnog spomenika ili se nalaze unutar obuhvata zaštitne zone nacionalnog spomenika – ambijentalne cjeline. Iskustvo u izradi dokumenata koji se odnose na smjernice, tipologiju ili slične dokumente koji se odnose na nacionalne spomenike.*

Prema zahtjevima tenderske dokumentacije, ponuđači, učesnici u postupku javne nabavke, dužni su dokazati da lica koja će činiti projektni tim angažovan na pružanju usluga posjeduju potrebne obrazovne i profesionalne kvalifikacije i radno iskustvo, u skladu sa zahtjevima iz tenderske dokumentacije.

Tenderskom dokumentacijom, Poglavljem 8. ZAHTJEVI U VEZI SA DOSTAVLJANJEM PONUDE, tačka 8.1. PRIPREMA PONUDE, podtačka 8.1.1. propisano je:

“Ponuđači su obavezni da pripreme ponude u skladu sa uslovima koji su utvrđeni u ovoj tenderskoj dokumentaciji. Ponude koje nisu u skladu sa ovom tenderskom dokumentacijom će biti odbačene kao neprihvatljive, sve u skladu sa članom 68. Zakona o javnim nabavkama.”

Članom 57. stav (1) Zakona o javnim nabavkama („Službeni glasnik BiH”, br. 39/14, 59/22 i 50/24) propisano je da se kandidat/ponuđač u postupku javne nabavke mora pridržavati zahtjeva i uslova iz tenderske dokumentacije, dok je članom 68. stav (4) tačka i) istog zakona propisano da je ugovorni organ dužan odbaciti ponudu koja nije potpuna i ne ispunjava zahtjeve iz tenderske dokumentacije.

Imajući u vidu prethodno navedeno, Komisija III je ocijenila da je ponuda ponuđača „PROVING” d.o.o. Sarajevo neprihvatljiva u smislu člana 2. stav (1) tačka l) alineja 2) Zakona o javnim nabavkama, te je kao takvu odbacila u skladu sa članom 68. stav (4) tačka i) istog zakona, čime je ostala pri ranijoj ocjeni ponude.

- ❖ Ponovnim pregledom ponude ponuđača „nLogic” d.o.o. Sarajevo, Komisija III je konstatovala da u ponudi nije dostavljen traženi dokaz, odnosno uvjerenje o položenom stručnom ispitu za Amelu Užičanin, nominovanu za člana projektnog tima, koja bi bila angažovana za pružanje usluga izrade energetskog audita.

Prema tački 7.3.1. pod c) tenderske dokumentacije, od ponuđača je zahtijevano da projektni tim, koji će biti angažovan na izradi energetskog audita, posjeduje određene obrazovne i profesionalne kvalifikacije, uključujući položen stručni ispit za članove tima. Među članovima projektnog tima ponuđač „nLogic” d.o.o. Sarajevo navodi i Amelu Užičanin, diplomiranog inženjera arhitekture.

Tačkom 7.3.1. pod c) tenderske dokumentacije zahtijevano je od ponuđača:

„b) Da posjeduje obrazovne i profesionalne kvalifikacije i radno iskustvo, tako da projektni tim koji će biti angažovan za pružanje konkretnih usluga čine:

- Najmanje jedan (1) diplomirani inženjer elektrotehnike s minimalno 10 (deset) radnog iskustva na istim poslovima koji su predmet nabavke, sa položenim Programom osposobljavanja za Modul 1 i Modul 2, položenim stručnim ispitom, te iskustvom u realizaciji minimalno tri projekta istog karaktera koji su obuhvatali zgradu/objekat koji ima status nacionalnog spomenika ili se nalazi unutar obuhvata zaštitne zone nacionalnog spomenika – ambijentalne cjeline. Iskustvo u izradi dokumenata koji se odnose na smjernice, tipologiju ili slične dokumente koji se odnose na nacionalne spomenike.
- Najmanje 2 (dva) diplomirana inženjera mašinstva s minimalno 10 (deset) godina radnog iskustva na istim poslovima koji su predmet javne nabavke, sa položenim Programom osposobljavanja za Modul 1 i Modul 2, položenim stručnim ispitom, te iskustvom u realizaciji minimalno tri projekta istog karaktera koji su obuhvatali zgrade/objekte koje imaju status nacionalnog spomenika ili se nalaze unutar obuhvata zaštitne zone nacionalnog spomenika – ambijentalne cjeline. Iskustvo u izradi dokumenata koji se odnose na smjernice, tipologiju ili slične dokumente koji se odnose na nacionalne spomenike.
- Najmanje dva (2) diplomirana inženjera građevine ili arhitekture s minimalno deset (10) godina radnog iskustva na istim poslovima koji su predmet javne nabave, sa položenim Programom osposobljavanja za Modul 1 i Modul 2, položenim stručnim ispitom, te iskustvom u realizaciji minimalno tri projekta istog karaktera koji su obuhvatali zgrade/objekte koje imaju status nacionalnog spomenika ili se nalaze unutar obuhvata zaštitne zone nacionalnog spomenika – ambijentalne cjeline. Iskustvo u izradi dokumenata koji se odnose na smjernice, tipologiju ili slične dokumente koji se odnose na nacionalne spomenike.

U skladu sa tačkom 7.3.2. tenderske dokumentacije, ponuđač „nLogic” d.o.o. Sarajevo dostavio je na str. 74. ponude Izjavu o obrazovnim i profesionalnim kvalifikacijama članova projektnog tima, koja uključuje i Užičanin Amelu, diplomiranog inženjera arhitekture.

Međutim, prilikom pregleda dokumentacije odnosno dostavljenih dokaza Komisija III utvrdila je da nije dostavljen dokaz o položenom stručnom ispitu za Amelu Užičanin, koji je bio obavezan prilog prema zahtjevima tenderske dokumentacije, a u skladu sa tačkom 7.3.2., podtačka c) tenderske dokumentacije.

Shodno tome, Komisija III je ocijenila da ponuđač „nLogic“ d.o.o. Sarajevo nije ispunio uslove iz tenderske dokumentacije u dijelu koji se odnosi na zahtjeve za članove projektnog tima, a konkretno za nominovanu inženjerku arhitekture, Amelu Užičanin.

Članom 57. stav (1) Zakona o javnim nabavkama („Službeni glasnik BiH“, br. 39/14, 59/22 i 50/24) propisano je da se ponuđači moraju pridržavati zahtjeva i uslova iz tenderske dokumentacije, dok članom 68. stav (4) tačka i) istog zakona propisano je da ugovorni organ mora odbaciti ponudu koja nije potpuna i ne ispunjava te zahtjeve.

S obzirom na prethodno navedeno, Komisija III je ocijenila da ponuda ponuđača „nLogic“ d.o.o. Sarajevo nije prihvatljiva u smislu člana 2. stav (1) tačka I) alineja 2) Zakona o javnim nabavkama, te je kao takvu odbacila u skladu s članom 68. stav (4) tačka i) istog zakona.

- ❖ Komisija III, na zatvorenoj sjednici održanoj 12.12.2025. godine, utvrdila je da je u postupku koji je prethodio donošenju Odluke o izboru najpovoljnijeg ponuđača, broj: 10/E-11-5841/25 od 06.11.2025. godine, od ponuđača „EUROING“ d.o.o. Bihać zatraženo pojašnjenje Potvrde o uspješnoj realizaciji ugovora. Potvrda je dostavljena u ponudi (str. 63) i izdata je od strane firme „URBING“ d.o.o. Sarajevo, pod brojem 30-PO/25 od 10.01.2024. godine.

Potvrdom koja je dostavljena, izdavalac potvrđuje da je usluga, koja se odnosi na izradu detaljnog energetskog audita u okviru Glavnog projekta rekonstrukcije i adaptacije objekta bivše zgrade „SDK“ kod Vječne vatre u Sarajevu, izvršena u skladu sa ugovorenim rokom i kvalitetom, odnosno da je zaključen ugovor uspješno realizovan.

Komisija III je utvrdila da je potvrda u skladu sa referentnom listom ponuđača, koja je dio ponude i nalazi se na str. 49, pod rednim brojem 44, u kojoj je navedeno: „Detaljni energetski audit – Objekat bivše zgrade SDK kod Vječne vatre, Sarajevo“, a kao investitor je označen „URBING“ d.o.o. Sarajevo. Takođe, potvrđeno je da potvrda sadrži sve obavezne elemente u skladu sa članom 48. stav (3) Zakona o javnim nabavkama BiH.

Međutim, u tekstu potvrde nije navedeno da li se projekt, odnosno izvršene usluge izrade detaljnog energetskog audita, odnose na zgradu/objekat koji ima status nacionalnog spomenika ili se nalazi unutar obuhvata zaštitne zone nacionalnog spomenika – ambijentalne cjeline, kako je definisano u Poglavlju 7.3. TEHNIČKA I PROFESIONALNA SPOSOBNOST, tačka 7.3.1. pod a), tenderske dokumentacije za konkretnu nabavku.

Komisija III se pozvala na tačku 7.3.1. pod a) tenderske dokumentacije, koja glasi:

„7.3.1. Tehnička i profesionalna sposobnost član 48. - 50. Zakona o javnim nabavkama:

Da bi ponuđač učestvovao u postupku javne nabavke mora ispuniti sljedeće minimalne uslove tehničke i profesionalne sposobnosti:

a) Da ima uspješno iskustvo u realizaciji najmanje 1 (jednog) ugovora odnosno projekta čiji su predmet, obim, karakter i kompleksnost isti ili slični predmetnoj nabavci (detaljan energetski audit), u prethodne 3 (tri) godine, računajući od dana podnošenja ponude ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine, a koji je obuhvatao zgradu/objekat koji ima status nacionalnog spomenika ili se nalazi unutar obuhvata zaštitne zone nacionalnog spomenika – ambijentalne cjeline;“

Naime, Projektnim zadatkom za izradu energetskog audita za zgradu Općine Centar Sarajevo i Kantona Sarajevo, koji je sastavni dio tenderske dokumentacije (Aneks 7), Ugovorni organ je precizirao da se objekat – Zgrada Kantona i Općine Centar Sarajevo smatra historijskom građevinom, te da je Odlukom Povjerenstva za očuvanje nacionalnih spomenika BiH proglašena nacionalnim spomenikom BiH, čime uživa najviši stepen zaštite.

Iz navedenog razloga, ocijenjeno je da je od važnosti za predmetnu nabavku da ponuđač posjeduje odgovarajuće kvalifikacije i referentno iskustvo u realizaciji ugovora ili projekata na objektima koji imaju status nacionalnog spomenika, ili se nalaze unutar obuhvata zaštitne zone nacionalnog spomenika – ambijentalne cjeline.

S tim u vezi, a u skladu sa članom 68. stav (3) Zakona o javnim nabavkama BiH, aktom broj: 10/E-11-5841/25 od 23.10.2025. godine, od ponuđača „EUROING“ d.o.o. Bihać zahtijevano je pojašnjenje sadržaja dostavljene potvrde, na način da se precizno i jasno izjasni da li se predmetni ugovor (Izrada detaljnog energetskog audita u sklopu Glavnog projekta rekonstrukcije i adaptacije objekta bivše zgrade „SDK“ kod Vječne vatre u Sarajevu) odnosi na objekat koji:

- ima status nacionalnog spomenika, ili
- se nalazi unutar obuhvata zaštitne zone nacionalnog spomenika – ambijentalne cjeline.

Komisija III je ocijenila da postoji opravdana potreba da se od ponuđača zatraži pojašnjenje dostavljenog dokumenta, odnosno potvrde radi provjere kvalifikacija ponuđača i dokazivanja ispunjenosti uslova o posjedovanju potrebnog iskustva, u skladu sa uslovom iz tačke 7.3.1. pod a) tenderske dokumentacije.

Dana 24.10.2025. godine ponuđač „EUROING“ d.o.o. Bihać dostavio je pisano pojašnjenje, uz koje je priložena i pisana izjava firme „URBING“ d.o.o. Sarajevo, broj: 31-PO/25 od 24.10.2025. godine. U navedenoj izjavi, u vezi sa izdatom potvrdom o uspješnoj realizaciji ugovora broj: 30-PO/25 „Izrada detaljnog energetskog audita u sklopu Glavnog projekta rekonstrukcije i adaptacije objekta bivše zgrade „SDK“ kod Vječne vatre u Sarajevu“, navedeno je da se objekat bivše zgrade „SDK“ kod Vječne vatre u Sarajevu nalazi unutar obuhvata zaštitne zone nacionalnog spomenika – ambijentalne cjeline, na osnovu Odluke Komisije o proglašenju Historijskog urbanog krajolika Sarajevo, broj: 07.2-2.3-81/20-7.

Komisija III je razmotrila dostavljeno pojašnjenje ponuđača, zajedno sa svim pratećim prilogima, te ga jednoglasno prihvatila.

Na osnovu uslova i zahtjeva iz tenderske dokumentacije koji se odnose na kvalifikaciju ponuđača u dijelu tehničke i profesionalne sposobnosti, kao i na osnovu pojašnjenja potvrde koje je dostavio ponuđač „EUROING“ d.o.o. Bihać, Komisija III je jednoglasno konstatovala da ponuda ponuđača „EUROING“ d.o.o. Bihać ispunjava sve propisane uslove iz tenderske dokumentacije i da je prihvatljiva.

Komisija III je ostala pri ranijem stavu da je dostavljeno pojašnjenje potvrde prihvatljivo, te da je ono sastavni dio Zapisnika o pregledu i ocjeni ponuda broj: 10/E-11-5841/25 od 15.12.2025. godine.

Na osnovu rezultata pregleda i analize ostalih zaprimljenih ponuda, njihove usklađenosti sa uslovima i zahtjevima iz tenderske dokumentacije, te dostavljenih dokaza o tehničkoj i profesionalnoj sposobnosti, Komisija III je jednoglasno utvrdila da ponude sljedećih ponuđača:

1. „EUROING“ d.o.o. Bihać i

2. grupe ponuđača „Enova“ d.o.o. Sarajevo i „CETEOR“ d.o.o. Sarajevo,

ispunjavaju uslove propisane tenderskom dokumentacijom, kao i zahtjeve ugovornog organa za predmetnu javnu nabavku. Shodno tome, Komisija III je ponude navedenih ponuđača ocijenila kao prihvatljive u smislu odredaba Zakona o javnim nabavkama.

Detaljnou računskom provjerom ispravnosti ponuda, Komisija III je ustanovila da su ponude računski ispravne; da je ispravno obračunata ukupna cijena ponuda sa PDV-om i da nema elemenata neprirodno niske cijene ponude.

U daljem toku postupka, Komisija III je izvršila analizu, poređenje i evaluaciju dostavljenih prihvatljivih ponuda prema kriteriju za dodjelu ugovora.

Na osnovu poređenja i vrednovanja ponuda u skladu s kriterijem „najniža cijena“, te u skladu sa članom 64. stav (1) tačka b) Zakona o javnim nabavkama, Komisija III je utvrdila sljedeći poredak ponuda:

R/b	Ponuđač	Ukupna cijena bez PDV-a (KM)	Popust	Ukupna cijena sa PDV-om (KM)
1.	„EUROING“ d.o.o. Bihać	14.600,00	/	17.082,00
2.	Grupa ponuđača: 1. „Enova“ d.o.o. Sarajevo 2. „CETEOR“ d.o.o. Sarajevo	14.950,00	/	17.491,50

Nakon evaluacije i vrednovanja ponuda, u skladu s kriterijem za izbor najpovoljnije ponude i dodjelu ugovora „najniža cijena“, Komisija III je izvršila rangiranje ponuda kako slijedi:

Rang	Ponuđač	Ukupna cijena bez PDV-a (KM)
1.	„EUROING“ d.o.o. Bihać	14.600,00
2.	Grupa ponuđača: 1. „Enova“ d.o.o. Sarajevo 2. „CETEOR“ d.o.o. Sarajevo	14.950,00

Shodno svemu naprijed izloženom, Komisija III je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Prvorangiranog ponuđača **"EUROING" d.o.o. Bihać**, ulica Mehmeda Džanića L1, 77000 Bihać, broj ponude 588-10/25 od 16.10.2025. godine, za usluge izrade energijskog audita za zgradu Općine Centar Sarajevo i Kantona Sarajevo, sa cijenom u ukupnom iznosu od 14.600,00 KM bez PDV-a, odnosno 17.082,00 KM sa PDV-om, sa kojim će biti zaključen ugovor.

Opštinski načelnik u postupku evaluacije nije našao razloge niti nepravilnosti u radu Komisije III koji bi eventualno bili osnov za neprihvatanje preporuke Komisije III, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH”, broj 39/14, 59/22 i 50/24). Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri. Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-5841/25 od 12.12.2025. godine



Dostaviti:

1. Ponuđaču: "EUROING" d.o.o. Bihać
ulica Mehmeda Džanića L1, 77000 Bihać
2. Ponuđaču: „PROVING" d.o.o. Sarajevo
ulica Milana Preloga bb, 71000 Sarajevo
3. Ponuđaču: „nLogic" d.o.o. Sarajevo
ulica Đoke Mazalića broj 2, 71000 Sarajevo
4. Grupi ponuđača: „Enova" d.o.o. Sarajevo i „CETEOR" d.o.o. Sarajevo
ulica Podgaj broj 14/1 i ulica Topal Osman-paše broj 32B, 71000 Sarajevo
5. Advokatu Samri Hadžović – ovlaštenom punomoćniku žalitelja
„Enova" d.o.o. Sarajevo, vodećeg člana grupe ponuđača: „Enova" d.o.o. Sarajevo
i „CETEOR" d.o.o. Sarajevo, ulica Branilaca Sarajeva broj 20, 71000 Sarajevo
6. Službi za zajedničke i tehničke poslove
7. Kabinetu općinskog načelnika – Odsjek za javne nabavke
8. Službi za finansije
9. U spis